

Menyelami cabaran hidup para pesawah padi

Sultan Johor pandu jentuai



Oleh HAMDAN TAWADI
pengarang@utusan.com.my

BATU PAHAT 8 Ogos – “Bawa kereta api lagi senang.”

Itu titah Sultan Johor, Sultan Ibrahim Sultan Iskandar selepas memandu jentera menuai padi di Kampung Sagil, Ayer Hitam, dalam Kembara Mahkota Johor (KMJ) Fasa 2 di sini hari ini.

Baginda membandingkan KMJ Fasa 1 ketika melakukan kembara dengan kereta api dengan kepayaan mengendalikan jentera menuai padi itu di bawah terik pancaran matahari.

Menerusi kembara itu, Sultan Ibrahim merasai dan menyelami kesusahan serta cabaran hidup dihadapi penduduk kampung yang kebanyakannya mengusahakan sawah padi sebagai punca utama pendapatan.

Kira-kira pukul 1 petang, matahari memancar terik di kepala sedikit pun tidak melunturkan semangat baginda meneruskan program yang dirancang, memandu jentera menuai padi di tengah sawah kampung itu.

Peluh baginda yang mencurah-curah turun ketika itu menye-



SULTAN Ibrahim Sultan Iskandar memandu jentera menuai padi di Kampung Sagil, Ayer Hitam, Batu Pahat, semalam.

babkan ribuan penduduk kampung dan masyarakat sekitar Ayer Hitam yang berada di situ kagum dengan keprihatinan baginda.

Malah, baginda turut mencemar

duli membanting padi sehingga menyentuh hati penduduk kampung.

Lensa kamera pihak media dan penduduk kampung tidak putus-putus mengambil gambar sultan ber-

jiwa rakyat itu sehinggakan pihak keselamatan terpaksa mengawal keadaan dan etika protokol diraja.

Bagaimanapun pihak pengawal keselamatan memberi ruang dan

waktu yang sesuai kepada penduduk kampung, bagi melihat secara dekat dan mengabadikan wajah baginda menerusi lensa kamera dan telefon bimbit mereka.

Kampung Sagil yang biasanya sunyi bertukar bagi tapak pesta apabila puluhan kenderaan melalui lorong-lorong kampung yang sempit bersebelahan kawasan parit yang mengalir air jernih.

Walaupun terpaksa meletakkan kenderaan jauh, antara dua hingga tiga kilometer (km) akibat laluan berdekatan tapak majlis ditutup, namun orang ramai sanggup bermandi peluh menyaksikan sultan kesayangan mereka.

Turut berangkat ke majlis itu ialah Tunku Mahkota Johor, Tunku Ismail Ibrahim.

Hadir sama Menteri Besar, Datuk Abdul Ghani Othman; Menteri Dalam Negeri, Datuk Seri Hishammuddin Tun Hussein; Menteri Pertahanan, Datuk Seri Dr. Ahmad Zahid Hamidi; Ahli Parlimen Sri Gading, Datuk Mohamed Aziz; dan Ahli Parlimen Ayer Hitam, Datuk Wee Ka Siong.

Mereka turut bersama menjamu selera bersama Sultan Ibrahim yang mengetepikan aspek protokol apabila berkenan mencemar duli bersantap dalam keadaan bersila di bawah khemah.

Majlis santapan itu adalah program terakhir KMJ Fasa 2 di kampung itu.

Sesuai majlis tersebut, baginda berangkat meninggalkan kampung itu dengan meninggalkan motosikal bersama rombongan dan penduduk.